

**Месяца октября в 7-й день
Святителя Ионы,
епископа Ханькоуского
Молитва**

О, преблаженне Ионо, подвижниче предивный и о нас к Богу молитвенниче непрестанный! Саном архиерейства почтен быв, ко Христу дивную любовь показал еси и благодатию Его на труды и подвиги укрепился еси, пастве же твоей и отроком послужил еси, сего ради, еще сый на земли, велие ко Святей Троице дерзновение имел еси. Егда же о предстоящей нечаянной кончине весть приял еси, ко Господу с верою и смиренною молитвою притекл еси и, волю Божию приемля, обаче о пастве твоей скорбя, паче же о детех, о нихже попечение имевый, Господа просил еси не оставить их сирых. Ныне же, прибегающе к теплomu предстательству твоему, прилежно молим тя: оком благосердым любви твоея воззри на нас, грешных, помощи твоея требующих; верныя в ревности о вере святей поддержи; борющиеся со страстями в подвизах укрепи; ленивыя ко исправлению скоро подвигни; всем же нам

по заповеди Христовой любить друг друга помози и посещения благодати Святаго Духа испроси, да, вся наставления твоя храняще, сподобимся и мы Царствие Христово наследить и купно с тобою славить, Отца и Сына и Святаго Духа, во веки веков. **А**минь.

Текст службы утвержден решением Священного Синода от 28 декабря 2018 года (журнал № 126).